

**NUNAOIL A/S-mi ukiumoortumik ataatsimeersuarneq pingasunngorneq 22.
aprili 2014**

**Aalajangigassanut ataasiakkaanut siulersuisut oqaaseqaataat
siunniussaallu**

1. Ukiumi qaangiuttumi siulersuisut ingerlatseqatigiiffiup ingerlasimaneranik nalunaarutaat
2. Ukiumoortumik nalunaarusiap akueriqarnissaa siunertaralugu saqqummiussineq. Siulersuisut ukiumoortumik nalunaarusiaq akuereqqullugu innersuussutigaat.
3. Ukiumi qaangiuttumi ingerlatseqatigiiffiup ingerlanerata kiisalu ukiuni aggersuni ungasinnerusumilu suliat pilersaarutigineqartut aningaasalersornissaat pillugit nassuiaat kiisalu ingerlatseqatigiiffiup aqutsilluarnissaq pillugu politikikianik nassuiaat. Ukiumoortumik nalunaarusiaq, inatsisit malillugit naatsorsuutininik saqqummiussinerup saniatigut, tassaavoq ingerlatseqatigiiffiup ingerlaneranik inatsisit malillugit pisussaaffik naapertorlugu nassuiaat, ingerlatseqatigiiffiullu aqutsilluarnissamik politikkia pisortat nalunaarutaanni ingerlatseqatigiiffiullu nittartagaani malittariuk – imaaluunniit nassuiaruk nassuiaammi.
4. Ukiumoortumik nalunaarusiaq akuerineqarsimasoq naapertorlugu sinneqartoorutit sumut atorneqarnissaannik imaluunniit amigartoorutit qanoq matuneqarnissaannik aalajangiineq. Ukiumi naatsorsuutitigut angusat ukiumut naatsorsuutininut tullernut nuunneqarnissaat siunnersuutigineqarpoq.
5. Siulersuisunit malittarisassanut allannguutissatut siunnersuutit. Malittarisassat imatut allanngortinneqarnissaat siunnersuutigineqarpoq:
 - a) § 1.3 allanneqarnissaa imatut siunnersuutigineqarpoq:

”Kalaallit Nunaanni Namminersorlutik Oqartussat ikummatissat pillugit akuersissuteqartarnermi peqataanissaat kiisalu Kalaallit Nunaanni avataanilu tamatumunnga atatillugu pissusissamisoortumik suliassai Nunaoil A/S’ip isumagisarai.”

Allannguummi NUNAOIL A/S pillugu inatsimmi §1 ingerlatseqatigiiffiullu malittarisassai naapertuutilerput.

b) § 3.8, nr. 3: "amma" atorunnaarpoq.

Allannguut torersaanertut isigisariaqarpoq.

c) § 3.9: "Naalakkersuisut" allanngortinneqassaaq imatut "Naalakkersuisut".

Allannguut torersaanertut isigisariaqarpoq.

d) § 5.1, 1. aqutsineq, allanneqarniissa imatut siunnersuutigineqarpoq:

"Ingerlatseqatigiiffik siulersuisunit 5-nik ilaasortaqaartutumit aqunneqassaaq, taakkunani ilaasortat sisamat ingerlatseqatigiiffiup ukiumoortumik ataatsimeersuarnerani toqqarneqassapput, ilaasortarlu ataaseq qallunaat naalagaaffianit toqqarneqassallini, naalagaaffiup Namminersorlutik Oqartussassanut tapiissutaat nul kroninut naleqalernissaa tikillugu, takuk Kalaallit Nunaanni Namminersorlutik Oqartussat pillugu inatsit, pkt. 5.3.5.3 (L 128 5. februar 2009 saqqummiussaq) amma takuk § 3, imk. 2 Inatsisartut NUNAOIL A/S pillugu inatsit.

Allannguummi § 3, imk. 1 NUNAOIL A/S pillugu inatsimmi ingerlatseqatigiiffiullu malittarisassaani NUNAOIL-imi siulersuisuni ilaasortat amerlassusissat naapertuutilerput.

e) § 5.3 imatut allanneqarnissaa siunnersuutigineqarpoq:

"Siulersuisuini siulittaasoq ukiuni marlukkaartuni ingerlatseqatigiiffiup ukiumoortumik ataatsimeersuarnerani siulersuisut akornanni toqqarneqassaaq. Siulersuisut akornerminni ukiumoortumillu ataatsimeersuarnermut atatillugu siulittaasup tullianik qinersissapput. Siulittaasoq pisinnaanngikkaangat siulittaasup tulliaata taarsertassaavaa."

Allannguutip kinguneraa siulittaasup tullia siulittaasutup ukiut marlukkaarlugit qinerneqartanissaa.

f) § 8.3 imatut allanneqassaaq:

"Kukkunersuiisoq ukiumoortumik ataatsimeersuarnermi ukioq 1 (ataaseq)-kaartumik toqqarneqassaaq. Toqqarneqaqqissinnaavoq"

Allannguummi tunngavigineqarpoq Naalakkersuisut Kalaallit Nunaanni ingerlatseqatigiiffiit namminersorlutik oqartussanit pigineqartut tamarmi assigiimmik

najoqqutassaqaarnissaat taamaattumillu NUNAOIL-imi kukkunersiuisup toqqaagaasarnerata sivilissusaa tamanna naapertorlugu allangortinneqarpoq.

g) Nutaatut § 9.5-mimi ilanngunneqartussatut siunnersuutigineqarpoq:

”Kukkunersiuisoq piginnittunit qinnuigineqarnertik malillugu ukiut tamaasa ingerlatseqatigiiffiup ukiumoortumik ataatsimeersuarnissaa pitinnagu piginnittut kukkunersiuisullu akornanni kukkunersiuiinnermi ataatsimiinnermi peqataasassapput. Ataatsimiinneq kuukkunersiuisup nipangiussisussaassuseqarnera pissusissamisoortumik ataqqillugu ingerlatseqatigiiffiup ukiumoortumik nalunaarutaa sammineqartassaaq tassani siunertarineqarluni, piginnittuusut ilisimasat piissusiviusut tunnaavigalugit ataatsimeersuarnissami aalajangiisinaanissaat.”

Naalakkersuisut kissaatigisimavaat kukkunersiuisut qulaani allaaserineqartut naapertorlugit kukkunersiuisut ataatsimiinneranni peqataaquneqarnissaat.

6. Akissarsiatigut politikkip akuerineqarnissaa.

Ingerlatseqatigiiffimmi pisortatut atorfiup akissarsiatigut politikkaa 2013-mi ataatsimeersuarnermi akuersissutigineqarpoq tamatumalu kingorna allangortinneqarsimanani. Akissarsiatigut atuuttut imaapput:

Pisortaq 15. novembari 2004 isumaqatigiissuteqarnikkut atorfinitsinneqarpoq, kingullermillu akissarsiat (qaffasissutsit kisimik) ilanngussaq malilligu 31. marsi 2010 nalimmarsarneqarsimapput. Akissarsiaqartitsineq sapinngisaq malillugu ataatsimoortunngorlugu aaqqissugaavoq – Kalaallit Nunaanni akissarsiaqartitsisarnerit nalinginnaasut malittarinagit –akissarsiallu makuninnga ilaqarput:

- a) Ukiumoortumik akissarsiaq (takuukk ukiumoortumik nalunaarussiaq 2013 kr. 1.522.500)
- b) 15 % soraarnerussusiatut ilaliussaq
- c) Akeqanngitsumik oqarasuaateqarneq interneteqarnerlu.

Atorfik akeqanngitsumik inigisartalimmik, akeqanngitsumik bilimik, feriarluni angalanermik, atorfininnermut atatillugu soraarnermullu atatillugu angalanermik, nuunnermut atatillgu pequtit akilernissaannik il.il. ilaqartinneqanngilaq.

Soraarsitaanissamik kalerriut sulisitsisumik qaammatinik 12-nik sivilissuseqarpoq pisortamillu qaammatinik 6-nik.

7. Siulersuisut ilaasortassaannik qinersineq, tassungalu atatillugu siulittaasumik toqqaaneq.

Siulersuisuni ilaasortat siulittaasorlu ukiumoortumik ataatsimeersuarnissap siulliup naanissaata tungaanut toqqarneqassapput malittarisassani § 5.2 aamma § 5.3 malillugu,

allanngortinneqarnissaat siunnersuutigineqarpoq, taamaattumillu siulersuisuni ilaasortat tamarmik ukioq manna ataatsimeersuarnermi qinerneqassapput.

Siulersuisut ilaasortassatut siunnersuutigineqarsimasut kiisalu nutaamik siulittaasussatut toqqarneqartussaq kingusinnerusukkut nalunaarutigineqarumaarpoq.

- 8.** Siulersuisut ilaasortaasa akissarsiaannik aalajanngiineq.
Siulersuisut ilaasortaasa akissarsiaannik aalajanngiineq Naalakkersuisut maleruaqqusaat atuuttut naapertorlugit akissarsiat annertussusaat aalajangerneqassasoq, taamaalilluni siulittaasooq siornatut aningaasarsiaqartinneqassaaq kr. 150.000, siulittaasup tullia kt. 75.000, siulersuinilu ilaasortat sinneri aningaasarsiaqartinneqassapput kr. 50.000.
- 9.** Kukkunersiuissussamik qinersineq.
Kukkunersiuusoq ukiumoortumik ataatsimeersuarneqarsissap siulliup naanissaata tungaanut toqqarneqassaaq malittarisassani § 8.3 malillugu, allannguutissatut siunnersuutigineqarpoq. Kukkunersiuusoq ukioq manna ataatsimeersuarnermi qinerneqassaaq, siulersuisullu siunnersuutigaat Grønlands Revisionskontor A/S kineqqinneqassasoq.
- 10.** Siulersuisunit piginnittunilluunniit siunnersuutit
Siunnersuuteqartoqarsimanngilaq.